



古今類腋

道德

五

13
1802
5



門 1 3
第 1802
卷 5

折衷古今類腋卷之九

道德類二 容儀 剛毅 正直 誠見 寬厚

謙抑

容儀

家人象曰。威如之吉。及身之謂也。○未濟文曰。君子之光。有孚吉。象曰。君子之光。其暉吉也。
洪範曰。一曰貌。二曰言。三曰視。四曰聽。五曰思。貌曰恭。言曰從。視曰明。聽曰聰。思曰睿。恭作肅。從作入。明作哲。聰作謀。睿作聖。

新選古今類腴卷之九

道德類二 容儀 剛毅 正直 識見 寬厚

謙抑

容儀

家人象曰。威如之吉。及身之謂也。○未濟爻曰。君子之光。有孚吉。象曰。君子之光。其暉吉也。○
洪範曰。一曰貌。二曰言。三曰視。四曰聽。五曰思。貌曰恭。言曰從。視曰明。聽曰聰。思曰睿。恭作肅。從作乂。明作哲。聰作謀。睿作聖。

古今類史

卷九

一

七

容儀



國風羔羊曰。退食自公。委蛇委蛇。○栢舟曰。威儀棣
棣。不可選也。○淇澳曰。寬兮綽兮。猗重較兮。○鳴鳩
曰。淑人君子。其儀不忒。其儀不忒。正是四國。○鄘風
偕老曰。委委蛇蛇。如山如河。○大雅抑曰。抑抑威儀。
維德之隅。○淑慎汝止。不衍于儀。○頌泮水曰。敬慎
威儀。維民之則。

左傳曰。有威而可畏謂之威。有儀而可像謂之儀。君
有君之威儀。其臣畏而愛之。則而象之。故能有其國。
令聞長世。臣有臣之威儀。其下畏而愛之。故能守

其官職。保族宜家。○故君子在位可畏。進退可度。周
旋可則。容止可觀。德行可象。聲氣可樂。動作可文。言
語有章。以臨其下。謂之有威儀也。○視不登帶。言不
過步。○胡傳曰。昭公喪齊。歸無感容。而不顧。取孟子
為夫人而不命。政令在家而不能取。有子家子之賢
而不能用。而屑屑焉習儀以亟。能有國乎。

曲禮曰。立視五馬。式視馬尾。顧不過轂。馬規也。凡視
上於面則教。下於帶則憂。傾則姦。○喪容纍纍。色容
顛顛。言容繭繭。此皆居喪之容。纍纍。羸憊貌。繭繭。氣低微貌。戎容暨

暨言容。詔詔。五格。色容厲。肅視容清明。此皆軍旅之容。暨暨果毅。

貌詔詔教令嚴飾貌。○天子穆穆。諸侯皇皇。大夫濟濟。士蹇蹇。

庶人僬僬。○玉藻曰。君子之容舒遲。見所尊者齊遫。

足容重。手容恭。目容端。口容止。聲容靜。頭容直。氣容

肅。立容德。色容莊。坐如尸。○賓客主恭。祭祀主敬。喪

事主哀。會同主詡。軍旅思儉。隱情以虞。○表記曰。大

讓如慢。小讓如偽。大則如威。小則如愧。其難進而易

退也。粥粥若無能也。其容貌有如此者。○君子服其

服。則文以君子之容。有其容。則文以君子之辭。遂其

辭。則實以君子之德。是故君子耻服其服而無其容。

耻有其容而無其辭。耻有其辭而無其德。耻有其德

而無其行。是故君子衰絰則有衰色。端冕則有敬色。

甲冑則有不可耻之色。○大戴禮曰。昔武王踐阼入

於戶。未嘗越履。往來過之。不履影。○言語之美。穆穆

皇皇。朝廷之美。濟濟翔翔。祭祀之美。齊齊皇皇。車馬

之美。匪匪翼翼。鸞和之美。肅肅雍雍。

管子曰。儀者萬物之程式也。法度者萬民之表儀也。

禮義者尊卑之表儀也。故動有儀。則令行。無儀則令

不行。故曰進退無儀，則政令不行。荀子曰：禮恭然後可與言道之方，辭順然後可與言

道之理。色從然後可與言道之致。說苑曾子曰：狎甚則相簡也，莊甚則不親。是故君子之狎，足以交權，莊足以成禮而已。

中論曰：先王之制禮也，為冕服采章以旌之，為佩玉鳴璫以聲之，欲其尊也。欲其莊也，為可怠慢也。夫容貌者人之符表也，符表正，故情性治。情性治，故仁義存。仁義存，故盛德著。君子者，無尺土之封而萬民尊

之，無刑罰之威而萬民畏之，無羽籥之樂而萬民樂之，無爵祿之賞而萬民懷之，此其所以致之者一也。

○禍敗之由也。則有媒慢以為階，可無慎乎。晉宋敏碎首於碁局，陳靈被禍於戲言，閻郃造逆於相詬，子公生弑於嘗鼃，是故君子居身也謙，在敵也讓，臨下也莊，奉上也敬，四者備而怨咎不作，福祿從之。○昔晉惠公以慢瑞而無嗣，文公以肅命而興國，卻犇以傲享徵亡，冀缺以敬妻受胙，君子感凶德之如彼，見吉德之如此，故立必磬折，坐必抱鼓，周旋中規，折旋

中矩。視不離乎結繪之間。言必越乎表著之位。聲氣可範。精神可愛。俯仰可宗。揖讓可貴。動靜有常。帥禮不荒。故為萬夫之望也。

漢匡衡上元帝疏曰。聖王之自為。動靜周旋。奉天承親。臨朝享臣。物有節文。以彰人倫。欽翼祗栗。事天之容也。溫恭敬遜。承親之禮也。正躬儼恪。臨眾之儀也。嘉會和說。饗下之顏也。

五行志載叔向語曰。朝有著定。會有表。衣有禮。帶有結。會朝之言。必聞于表著之位。所以昭事序也。視不過結。禮之中。所以道容貌也。言以命之。容貌以明之。失則有闕。

晉史論王澄曰。夫衣服表容。珪璋範德。聲移宮羽。采照山華。布武有章。立言成訓。澄之箕倨。不已甚矣。若乃解袒登枝。裸形捫雀。王澄為荊州刺史。送者傾朝。澄不顧。乃脫衣上樹。探雀殼。以此為達。謂之高致。道揆將聖。事乖駢指。出莊子。駢指。操清獨往。自天其生者焉。

甄琛傳表翻奏謚表曰。視其狀也。則周孔聯鑣。伊顏接柩。論其益也。則窮文盡武。無或加焉。

明何大復曰。夫衣冠飾貌。人見而敬之。乘駕唱騶。人望而避之。毀冠而囚首。人不讓席矣。敝車而單行。人不讓路矣。

剛毅

乾文言曰。不易乎世。不成乎名。遯世無悶。不見是而無悶。樂則行之。憂則違之。確乎其不可拔。○大過象曰。君子以獨立不懼。○恒象曰。君子以立不易方。○困象曰。君子以致命遂志。

臯陶謨曰。剛而塞。彊而義。○洪範曰。沉潛剛克。高明

柔克

大雅蒸民曰。維仲山甫。柔亦不茹。剛亦不吐。左傳。晉獻公使荀息傅奚齊。公疾。召之曰。以是藐諸孤。辱在大夫。其若之何。對曰。臣願竭股肱之力。加之。以忠貞。公曰。何謂忠貞。對曰。公家之利。知無不為。忠也。送往事居。無猜。貞也。送往者事居者皆無猜忌緇衣孔子曰。生則不可奪其志。死則不可奪其名。○文王世子曰。為人臣者。殺其身以益於君。則為之。○儒行曰。儒有可親而不可劫也。可近而不可迫也。可

剛毅

古今類史

卷九

六

天七

殺而不可辱也。其居處不淫。飲食不溽。其過失可微。辨而不可面數也。其剛毅有如此者。○聘義曰。聘射之禮。至大禮也。質明而始行事。日幾中而後禮成。非強有力者弗能行也。故強有力者。將以行禮也。此衆人之所難而君子行之。故謂之有行。有行之謂義。有義之謂勇敢。故所貴於勇敢者。貴其敢行禮義也。天下無事則用之於禮義。有事則用之於戰勝。用之於戰勝則無敵。用之於禮義則順治。外無敵。內順治。此之謂盛德。

朴子曰。夫節士不能使人不憎之。而道不可屈也。不能使人不辱之。而行猶在我也。不能使人不擯之。而操不可改也。

賈誼新書曰。貪夫徇財。烈士徇名。夸者死權。衆庶馮生。

劉子新論曰。昔徐偃王。輒而國滅。齊簡公。懦而身亡。○晉陽處父。以純剛取害。鄭子陽。以嚴猛致斃。此性大剛之過也。

史。范雎告秦昭王曰。死不足為臣惠。亡不足為臣憂。

漆身為厲。被髮為狂。不足以為臣恥。且以五帝之聖
為而死。三王之仁為而死。五霸之賢為而死。孟賁慶
忌夏育之勇為而死。死者人之所必不免也。死而少
補。此臣之大願也。○對蔡澤曰。君子以義死難。視死
如歸。生而辱。不如死而榮。士固有殺身以成名。惟義
之所在。雖死無所恨。何為不可哉。
漢耿恭傳論曰。昔曹子抗質於柯盟。相如申威於河
表。蓋以決一朝之負。異乎百死之地也。
寇榮上書自訟曰。忠臣殺身以解君怒。孝子殞命以

寧親怨。故大舜不避塗廩浚井之難。申生不辭嬖氏
譖邪之謗。

馮衍說田邑書曰。委質為臣。無有二心。挈瓶之智。守
不假器。是以晏嬰臨盟。擬以曲戟。不易其辭。謝息守

郟。脅以齊魯。不喪其邑。挈瓶小智也。晏嬰不從崔杼
戟加頸而不顧。謝息為孟孫

守郟不聽季
孫以桃易郟

盧植傳曰。風霜以別草木之性。危亂而見貞良之節。
則盧公之心可知矣。夫蜂蠆起懷。雷霆駭耳。雖賁育
荆諸之倫。未有不冗豫奪常者也。冗猶造次
也。豫猶豫

魏陳思王求自試表曰。車右伏劔于鳴轂。雍門郗首于齊境。若此士。豈惡生而尚死哉。誠忿其慢主而陵君也。

晉馮紘傳論曰。田光之口。豈燕丹之可絕。豫讓之形。非智氏所能變動。靜之際。有捷蒺藜。仁義之道。求之彌遠矣。

獨行傳曰。或志剛金石。而尅扞於疆禦。或意嚴冬霜。而其心於小諒。亦有相結協好。幽明共心。蹈義凌險。死生等節。雖非通圓。其風執有呂懷者。

桓溫薦譙秀曰。太朴既虧。則高尚之標顯。道喪時昏。則志貞之義彰。故有洗耳投淵。以振玄邈之風。亦有秉心矯迹。以敦在公之節。○身寄虎吻。危同朝露。而能抗節山立。誓不降辱。杜門絕迹。不面偽庭。進免龔勝亡身之禍。退無薛方詭對之譏。雖園綺之棲商洛。管寧之出遼海。殆無以過。

列傳論曰。交霜雪於杪歲。晦風雨於將晨。嗜響或以變其音。貞柯早能全其性。楊芬千載之上。淪骨九泉之下。仁者之勇。不其然乎。至夫基搆迭汚隆。龍蛇俱

數澤。冲遠巡於內輔。豁陵屬於上游。是知敬仲之美。

不息檀臺之亂。審俞之忠。無救奕棋之禍。檀臺崔杼

檀臺奕棋審喜廢

烈女傳論曰。繁霜降節。彰競心於後彫。橫流在辰。表

貞期於上德。匪伊君子。抑亦婦人。自晉政陵夷。罕樹

風檢。虧開爽操。相繼成俗。三日歌胡。惟見增新之飾。

一朝辭漢。曾微戀舊之情。馳驚風埃。脫第名教。顏縱

忘反。於茲為極。若惠風之數喬屬。道韞之對孫思。斯

皆冥踐義途。匪因教至。聳清漢之喬葉。有松徽音。

幽谷之貞蕤。無慙雅引。

列傳總論曰。王經峻節。既被旌於晉世。祭之貞固。亦

改葬於齊朝。

隋房彥謙諭張衡書曰。夫賢材非尚膂力。豈繫文華。

唯須正身負戴。確乎不動。譬棟之處屋。如骨之在身。

所謂棟梁骨鯁之材也。

晏皓自語曰。大丈夫寧可玉碎。不能瓦全。

王羆傳論曰。奮節危城。抗辭勁敵。

後魏元匡上奏靈太后誅于忠曰。事主不以幽貞格。

心奉上不以取捨虧節。是以倚秦宮而痛哭。復楚之
功已多。陟盧龍而樹勳。廣魏之勲不淺。故申包避賞。
君子義之。田儻拒命。良史稱焉。不補天會。
郭登上疏曰。忠誠在己。敢忘報國之心。成敗在天。不
負為臣之節。
節義傳總論曰。盛名所著。與江河而並流。峻節所標。
與松柏而並茂。

魏牧枕中論曰。岳立為重。有潛戴而不傾。山藏稱固。
亦負趨而弗停。呂梁猶浚。能行歌而匪惕。焦原作險。
或躋踵而不驚。○任重也有度。則任之而愈固。乘危
也有術。蓋乘之而靡恤。
唐蕭瑀傳載魏徵語曰。臣有逆眾持法。主怒之以公。
孤特守節。主怒之以介。
張亮貶吉安。王義方為之誓江曰。有如忠獲戾。孝見
尤。四維廓氛。千里安流。神之聽之。無作神羞。形如死
灰。心若鐵石。
張薦曰。真卿奉使淮西。期不先戒。行無素備。受命之
後。不宿於家。親黨不違告別。介副不及陳請。孱僮單

騎即日載馳。冒姦鋒於臨汝。折元惡於許下。捐軀伏義。威垢群兇。遂令脇制者回慮。忠勇者肆情。賊臣蒼黃奔固。舊穴皆其義風所激也。

元稹述甄濟于韓愈曰。夫辨所從於居易之時。堅其操於利仁之世。而猶異懦者之所不為。蓋拂人之心難。而害已之避深也。若甄生者。弁冕不加其身。祿食不進其口。及亂則延頸受刃。分死不回。不以不必顯而廢忠。不以不必誅而從亂。在古與今。蓋不一焉。

宋呂祖謙曰。因世變有所摧折。失其素履者。固不足言。因世變而意氣有所加者。亦私心也。

王巖叟上哲宗曰。遠聲色之好。絕盤游之憂。勇於救天下之弊。果於斷天下之疑。邪說不能移。非道不能悅。此人主之副毅也。○元帝文宗果斷。不用以逐邪佞。反用以斥賢人。此二君不識副德之真。所謂副者。當為之事則行。不當為者。斷弗行也。

明鄭瑗并觀鎖言載朱弁文曰。茂林豐草。被雨露於當年。絕黨殊隣。犯風雪於將老。節上之毛盡落。口中之舌徒存。歎馬角之未生。魂生雪窖。攀龍髯而莫逮。

淚洒冰天。

正直

坤爻曰。直方大。不習無不利。○大壯彖曰。大壯利貞。大者正也。正大而天地之情可見矣。

臯陶謨曰。直而溫。○洪範曰。無反無側。王道正直。○六三德。一曰正直。二曰剛克。三曰柔克。平康正直。

國風柏舟曰。我心匪石。不可轉也。我心匪席。不可卷也。○羔裘曰。羔裘如濡。洵直且侯。彼其音記之子。舍命不渝。○羔裘豹飾。孔武有力。彼其之子。邦之司直。○

小雅小明曰。靖共爾位。好是正直。○靖共爾位。正直是與。

左傳。襄老曰。恤民為德。正直為正。正曲為直。參和為人。○琴張聞宗魯死。將往吊之。仲尼曰。齊豹之盜而孟縶之賊。女何吊焉。君子不食姦。不受亂。不為利疚於回。不以回待人。不蓋不義。不犯非禮。○叔向古之遺直也。治國治刑。不隱於親。三數叔魚之罪。不為末減。曰。義也夫。可謂直矣。○胡傳曰。華督欲弑君而憚孔父。劉安歆叛漢而憚汲直。曹操欲禪位而憚孔融。

正直

古今類事

卷之七

三

此數君子者。義形於色。皆足以衛宗社而忤邪心。奸臣之所以憚也。

表記曰。君子不以色親人。情踈而貌親。在小人則穿窬之盜也。與。

家語曰。君子之行已。期於必達。於已可以屈則屈。可以伸則伸。故屈節者所以有待。求伸者所以及時。是以雖受屈而不毀其節。志達而不犯於義。

韓非子曰。能法之士。必強毅而勁直。不能矯奸。晏氏春秋。晏子對叔向曰。正士處世。臨衆不阿。通則

事上使卹其下。窮則教下使順其上。事君盡禮行忠。不正爵祿。不用則去而不議。其交友也。論身義行。不為苟戚。不同則踈。而不排不毀。進於君。不以刻民尊於國。故用於上則民安。行於下則君尊。故得衆。上不疑其身。用於君。不悖於行。是以進不喪亡。退不危身。此正士之行也。

文中子曰。君子不受虛譽。不祈妄福。不避死義。冊府元龜曰。滅私之謂公。正曲之謂直。君子之懿德也。自上古之世移。至公之道廢。則情勝於理。恩克於

古今類聚 卷九 十四
義。心由利易。政以勢遷。自非時厥中庸。好是正直。執
不回之道。守無頗之性。則焉能獻替可否。臨事盡節。
靡顧於妻孥。當官而行。罔避於權右。刑奏列而無隱。
斥問遺而不通。故能成劉毅之風。全忠信之行。

史。屈原傳曰。屈平疾王聽之不聰也。讒諂之蔽明也。
邪曲之害公也。方正之不容也。故憂愁幽思而作離
騷。離騷者猶離憂也。夫天者人之始也。父母者人之
本也。人窮則反本。故勞苦倦極。未嘗不呼天也。疾痛
慘怛。未嘗不呼父母也。屈平正道直行。竭忠盡智以

忠。其怨乎。屈平之作離騷。蓋自然怨生也。國風好色而不
淫。小雅怨誹而不亂。若離騷者可謂兼之矣。上稱帝
嚳。下道齊桓。中述湯武。以刺世事。明道德之廣崇。治
亂之條貫。靡不畢見。其文約。其辭微。其志潔。其行廉。
其稱文小而其指極大。舉類通而見義遠。其志潔。故
其稱物芳。其行廉。故死而不容。自踈濯淖汙泥之中。
蟬蛻於濁穢。以浮游塵埃之外。不獲世之滋垢。嚼然
泥而不滓者也。推此志也。雖與日月争光可也。

晏嬰傳曰。晏平仲在朝。君語及之。即危言。語不及。即危行。國有道。即順命。無道。即衡命。○塞侯微巧。而周文處譎。君子譏之。謂其近於佞也。塞侯直不疑也。處
陰重得幸出入外內也。出不慶衛綰張叔傳。史斷言塞侯與周文皆不及此三人。篤行也。
目者傳。司馬季主曰。譽人也不望其報。惡人也不顧其怨。以便國家利。譽為務。故官非其任。不處也。祿非其功。不受也。見人不正。雖貴不敬也。見人有汙。雖尊不下也。得不為喜。去不為恨。非其罪也。雖累辱而不愧也。

漢劉樂辨和固論曰。君子之行。動則思義。不為利回。不為義疚。進退周旋。惟道是務。苟失其道。則兄弟不阿。苟得其道。雖仇讐不廢。故解狐蒙祁奚之薦。二叔被周公之害。勃鞞以逆文為成。傅瑕以順厲為敗。管蘇以忤憎取進。申侯以愛從見退。考之以義也。
孔融傳曰。鄭昌有言。山有猛獸。藜藿為之。不採。是以孔父正色。不容弑逆之謀。平仲在朝。有紓盜齊之望。若夫文舉之高志直情。真足以動義槩而忤雄心。故使移鼎之迹。事隔於人存。代終之規。啓機於身後也。

晉史臣論曰。琅琅其璞。巖巖其峯。信道居正。而以天下為公。方駕遠步。不以回路期通。嵇康釋私論曰。不知冒陰之可以無影。而患影之不匿。不知無情之可以無患。而恨情之不巧。其不衰哉。未有抱偽而身立清世。藏情而信著明君者也。是以君子既有其質。又觀其鑒。貴夫亮達。希而存之。惡夫矜恡。棄而違之。言無苟諱。而行不苟隱。不以愛之而苟善。不以惡之而苟非。心無所矜。而情無所繫。體情神立。而是非允常。忠感明天子。而信篤乎萬民。寄曾

子。荒。垂坦蕩於永日。斯非賢人君子高行之美。

宋帝策語曰。正情與皦日同亮。直氣與秋雲並爽。

唐陸贄曰。吾上不負天子。下不負所學。

宋王巖叟上哲宗曰。明是非於朝廷之上。判忠邪於多士之間。不以順已而忘其惡。不以逆已而遺其善。私求不徇於所愛。公議不遷於所憎。惜紀綱。謹法度。重典刑。戒姑息。此人主之正直也。

范純仁曰。有愧心而生者。不若無愧心而死。

識見

坤爻象曰。含章可貞。以時發也。或從王事。知光大也。

○大有爻象曰。匪其彭。無咎。明辨晳也。匪彭位高功大而令備

擬于君○隨爻曰。隨有獲。貞凶。有孚。在道以明。何咎。彭盛貌

亦位高不過分意○豐爻曰。闕其戶。闕其無人。三歲不覲。凶。

左傳邾子來朝。子貢觀焉。邾子執玉高。其容仰。公受

玉。其容俯。子貢曰。以禮觀之。二公皆有死亡也。高仰

驕也。卑俯替也。驕近亂。替近疾。君為主。其先亡乎。

禮器曰。無節于內者。觀物弗之察矣。欲察物而不由

禮。弗之得矣。

荀子曰。君子位尊而志恭。心小而道大。所聽視者近

而所聞見者遠。是何耶。則操術然也。故千人萬人

之情。一人之情是也。天地始者。今日是也。百王之道後

王是也。君子審後王之道。而論於百王之前。若端拜

而議。推禮義之統。分是非之分。總天下之要。治海內

之衆。若使一人。故操彌約而事彌大。五寸之矩。盡天

下方。故君子不下堂而海內之情舉。積此者。則操術

然也。

識見

呂覽曰。以百金與搏黍以示兒子。兒子必取搏黍矣。以和氏之璧與百金以示鄙人。鄙人必取百金矣。以和氏之璧與道德之至言以示賢者。賢者必取至言矣。其知彌精。其所取彌精。其知彌拙。其所取彌拙。淮南子曰。離朱之明。察箴末於百步之外。而不能見淵中之魚。師曠之聰。合八風之調。而不能聽十里之外。○視堂下之陰。而知天地之候。日月之晷也。觀瓶水之冰。而知天下之寒。魚鱉之藏也。嘗一臠肉而知一鼎之味。一鑊之調也。

說苑曰。鳳凰上擊於九重。絕浮雲。負蒼天。翱翔乎窈冥之上。夫糞田之鷄。豈能與之斷天地之高哉。鯨魚朝發崑崙之墟。暴鬣於碣石。暮宿於孟諸。夫尺澤之鯢。豈能與之量江海之大哉。本宋王對楚王問說苑載之 鹽鐵論曰。祿不過秉握者。不足以言治。家不滿擔石者。不足以計事。

抱朴子曰。夫料盛衰於未兆。探事幾於無形。指倚伏於理外。距浸潤於萌生者。明之功也。史仲連遺燕將書曰。規小節者不能成榮名。惡小耻

者不能立大功。商君告秦孝公曰。有高人之行者。固見非於世。有獨智之慮者。必見教於民。愚者闇於成事。智者見於未萌。東方朔答客難曰。以管窺天。以蠡測海。以筵撞鍾。豈能通其調理。發其聲音者哉。漢吳漢遣辨士說陳康曰。蓋聞上智不處危。以僥倖。中智能因危以為功。下愚安於危以自亡。危亡之至。在人所由。不可不察。

元詰闕上疏請立左氏傳於學曰。夫至音不合衆。故伯牙絕絃。至寶不同衆好。故卞和泣血。○夫明者獨見。不惑於朱紫。聰者獨聞。不謬於清濁。故離朱不為巧眩移目。師曠不為新聲易耳。

張衡上順帝疏曰。親履艱難者。知下情。備經險阻者。達物偽。故能一貫萬機。靡所疑惑。陸機豪士賦曰。夫我之自我。智士猶嬰其累。物之相物。昆蟲皆有此情。夫以有我之量。而挾非常之勳。神器暉其顧盼。萬物隨其俯仰。心翫居常之安。耳飽從

諛之說。豈識乎功在身外。任出才表者哉。
曹毗對儒。葛曰。不登閭風。何以瞻殊日之形。不步景
宿。何以觀恢廓之表。是以迷麤者循一性之智。狷介
者守一方之矯。豈知大林之蔚。炎柯。冰津之濯。陽草。
竹林七賢傳論曰。夫學非常道。則物靡不通。理有忘
言。則在情斯遣。
齊張融語曰。昔有鴻飛天首。蹟遠難亮。越人以為鳧。
楚人以為鳥。人自楚越。鴻常一耳。
隋李德林霸朝集曰。懸測萬里。指期來事。

秀和奏高祖曰。理雖萬變。可以一觀。來事雖懸。易以
往卜。
文襄與崔景書曰。夫明者去危就安。智者轉禍為福。
寧人負我。不我負人。
諸王列傳論曰。踐畏途而不疑。履危機而莫懼。
宋夏侯嘉正洞庭湖賦曰。智有所不通。識有所不窮。
用不通不窮。而循乎無端之紀。得無殆乎。志極則物
應。思精則道來。
劉基明連珠曰。知風莫過於老駝。識路莫踰於老馬。

是以家有老僕。則故物不委諸途。國有老臣。則舊章不求之野。

揚慎璣語曰。一人之心。即天地之心。一物之理。即萬物之理。一日之運。即一歲之運。故曰。不出戶。知天下。不窺牖。見天道。○鍾期死。而伯牙之絃絕。獲人亡。而匠石之斤輟。作之難。知之難也。

寬厚

乾文言曰。寬以居之。○坤象曰。君子以厚德載物。○蒙爻曰。包蒙吉。納婦吉。子克家。○比爻曰。顯比。王用

三驅。失前禽。邑人不誡。吉。不待教戒而邑人皆趨于寬大○泰爻象

曰。包荒。得尚於中行。以光大也。○艮爻象曰。敦艮之

吉。以厚終也。○姤爻曰。以杞包瓜。含章。有隕自天。言以

寬厚包小人不露聲色則小人之禍可消而治可復

臯陶謨曰。御衆以簡。臨下以寬。○舜典曰。寬而栗。○

伊訓曰。代虐以寬。兆民允懷。○君陳曰。無倚法以削。

寬而有制。從容以和。有弗若于汝政。弗化于汝訓。辟

以止辟。刑也乃辟。尔無忿疾于頑。必有忍。其乃有濟。有

容德乃大。別也簡。厥脩。亦簡其或不脩。進厥良。以率其

寬厚

古今通串

卷九

三

竟三

古今類用 卷九
或不良。惟民生厚。因物有遷。違上所命。從厥攸好。其爾克敬。典在德時。乃罔不變。允升于大猷。惟予一人膺受多福。

左傳曰。川澤納汙。山藪藏疾。瑾瑜匿瑕。國君含垢。天之道也。○胡傳曰。心不外者。乃能統大衆。智不鑿者。乃能處大事。

儒行曰。尊賢而容衆。毀方而瓦合。其寬裕有如此者。○表記曰。君子不以所能者病人。不以人之所不能者愧人。○以德報怨。則寬身之仁也。以怨報德。則刑

戮之民也。○過行弗率。以求處厚。

家語曰。水至清則無魚。人至察則無徒。

國策曰。厚者不毀人。以自益也。仁者不危人。以要名也。故捨人之邪者。厚人之行也。救人之過者。仁者之道也。

晏子曰。君子如美。淵澤容之。衆人歸之。如魚有依。極其游泳之樂。

文中子曰。二帝三王。吾不得而見也。舍兩漢將安之乎。大哉七制之主。其以仁義公恕統天下乎。

漢卓茂傳論曰。夫寬性厚。衰近於仁。犯而不校。鄰於
恕。率斯道也。怨悔曷其至乎。夫事積久。則吏自重。吏
安則人自靜。傳曰。五年再閏。天道乃備。夫以天地之
靈。猶五載以成其化。况人道哉。
第五倫傳論曰。第五倫峭覈為方。非夫愷悌之士。省
其奏議。諄諄歸諸忠厚。將懲苛察之敝。使其然乎。昔
人以弦常為佩。蓋由此矣。然而君子俊。不上。儉不
偏下。豈尊臨千里。而與牧圉等庸乎。詎非矯激。則未
可以中和言也。

蜀郤正釋譏語曰。樂滄海之廣深。歎高嶽之高峙。

晉史論曰。夫太剛則折。至察無徒。以之為政。則害于
而國。以之行已。則凶于乃家。誠以器乖容衆。非先王
之道也。玄亮字刁協剛愎。與物多違。雖有崇上之心。專

行刻下之化。同薄相濟。並運天機。若思閑爽。昭理研

幽。伯仁同顛疑正。處艸能約。咸以高才雅道。參與疇咨。

隋長孫平傳曰。川澤納汙。所以就其深。山嶽藏疾。所

以就其大。願弘山海之量。茂寬裕之德。

宋顏延之廷誥文曰。渾四游而幹五緯。天道弘也。振

河海而載山川。地道厚也。一情紀而合流貫。人靈茂也。○李彪上魏文帝表曰。體明睿之資。應保合之量。恢大明以燭物。履靜泰以和邦。史論賀拔勝曰。垂翅江右。憂魏室之危亡。奮翼關西。感梁朝之顧遇。有長者之風矣。終能保榮持寵。良有以焉。

周樂運上太宗疏曰。秦網密而國亡。漢章疎而祚永。唐朱敬則諫興太獄曰。下寬大之令。流曠蕩之澤。去之之險迹。

之險迹。

婁師德贊曰。師德寬厚。能以功名終始。蓋近乎勇於敢則殺。勇於不敢則活者耶。

歐陽脩曰。以縱為寬。以畧為簡。則政事弛廢。而民受其弊。吾所謂寬者。不為苛急。簡者。不為煩碎耳。

明潘府南山素言曰。聖人之心。清明象天。故能照物。廣大象地。故能容物。

謙抑

謙彖曰。謙亨。天道下濟而光明。地道卑而上行。天道

謙抑

古今類月

卷九

三

一 卷九
三十五
虧盈而益謙。地道變盈而流謙。鬼神害盈而福謙。人道惡盈而好謙。謙尊而光。卑而不可踰。君子之終也。象曰。地中有山。謙。君子以裒多益寡。稱物平施。○爻象曰。謙謙君子。卑以自牧也。○鳴謙貞吉。中心得也。○爻曰。勞謙君子。有終。象曰。勞謙君子。萬民服也。○无不利。撝謙。發揮其謙○鳴謙。可用行師。征邑國。言謙雖行師之大亦可為○繫辭曰。勞而不伐。有功而不德。厚之至也。語以其功下人者也。德言盛。禮言恭。謙也者。致恭以存其位者也。

太禹謨曰。汝惟不矜。天下莫與汝爭能。汝惟不伐。天下莫與汝爭功。○滿招損。謙受益。時乃天道。○補德之誥曰。能自得師者王。謂人莫已若者亡。好問則裕。自用則小。○說命曰。有其善。喪厥善。有其功。喪厥功。國風狼跋曰。公孫碩膚。赤烏几几。辭曰。狼跋其胡。載震且車。公孫碩膚。赤烏几几。左傳曰。世之治也。君子尚能而讓其下。小人力農以事其上。是以上下有禮。而讒慝黜遠。由不爭也。謂之懿德。及其亂也。君子稱其功。以加小人。小人伐其技。以馮君子。是以上下無禮。亂虐並生。由爭善也。謂之

一 卷九
三十五
三十五
三十五

昏德。○天子無黜。○諸侯無坐。○由是善也。○

曲禮曰。君子恭敬擗節退讓以明禮。○坊記曰。觴酒

豆肉讓而受惡。民猶犯齒。衽席之上讓而坐。民猶

犯貴。朝廷之上讓而就賤。民猶犯君。○善則稱人。過

則稱己。則民不爭。善則稱人。過則稱己。則民讓善。善

則稱君。過則稱己。則民作忠。善則稱親。過則稱己。則

民作孝。○祭法曰。天子有善讓德於天。諸侯有善歸

於天子。卿大夫有善荐於諸侯。士庶人有善本諸父

母存諸長老。祿爵慶賞成諸宗廟。所以示順也。○表

記曰。君子不自大其事。不自尚其功。以求處情。○人

之善而美人之功。以求下賢。是故君子雖自卑而民

敬尊之。○周禮曰。大司徒以陽禮射飲教讓則民不爭。

家語曰。聰明睿智守之以愚。功被天下守之以讓。勇

力振世守之以怯。富有四海守之以謙。○孔子觀后

稷廟。金人替銘曰。強梁者不得其死。好勝者必遇其

敵。君子知天下之不可上也。故下之。知衆人之不可

先也。故後之。溫恭慎德。使人慕之。江海雖左。長於百

川以其卑也。天道無親，而能下人。戒之哉。孔子既讀之，顧謂弟子曰：此言實而中，情而信。荀子曰：無服天下之心，高上尊貴，不以驕人。聰明聖智，不以窮人。齊給速通，不爭先人。剡毅勇敢，不以傷人。不知則問，不能則學，雖能必讓，然後為德。

韓詩外傳曰：君子有主善之心，而無勝人之色。德足以君天下，而無驕肆之容。行足以及後世，而不以一言非人之不善。故曰：君子盛德而卑，虛己以受人。旁行而不流，應物而不窮。雖在下位，民願戴之。雖欲無尊，得乎哉。

淮南子封丘丈人謂孫叔敖曰：人有三怨，子知之乎。叔敖曰：何謂也。對曰：爵高者士妬之，官大者主惡之，祿厚者怨處之。孫叔敖曰：吾爵益高，吾志益下，吾官益大，吾心益小，吾祿益厚，吾施益博，足以免三怨可乎。○兵強則滅，木強則折，是故柔弱者生之幹也，而堅強者死之徒也。先唱者窮之路也，而後動者達之原也。

說苑曰：高上尊賢，無以驕人。聰明聖智，無以窮人。資

古今類用 卷九
給疾速。無以先人。剴毅勇猛。無以勝人。
文中子曰。火炎上而受制於水。水趨下而得志於火。
故君子不欲多上人。

史樂書論曰。滿而不損則溢。盈而不持則傾。

范蠡諫越王曰。持滿者與天。定傾者與人。節事者與地。

武帝徵北海太守。請行在。有文學卒史王先生者。自請與太守俱。吾有益於君。君許之。王先生曰。天子即問君何以治北海。令無盜賊。君對曰。何哉。對曰。選擇

賢材。各任之以其能。賞異等。罰不肖。王先生曰。對如。是。是自譽自伐。功不可也。願君對言非臣之力。盡陛下神靈威武所變化也。太守曰。諾。召入。有詔問之。太守對如王先生。武帝大笑曰。於戲。安得長者之語。而稱之。以北海太守為水衡都尉。
信陵君既存趙。驕矜而有自功之色。客說信陵君曰。物有不可忘。有不可不忘。夫人有德於公子。公子不可忘也。公子有德於人。願公子忘之也。
蒯通說韓信曰。勇畧震主者身危。功蓋天下者不賞。

夫執在人臣之位。而有高天下之名。切為危之。
三國習鑿齒曰。賢人者。外身虛已。內以下物。嫌忌之
名。何由而生乎。有嫌忌之名者。必與物為對。存勝負
於已身者也。

漢揚雄解嘲曰。炎炎者滅。隆隆者絕。觀雷觀火。為盈
為實。天收其聲。地藏其熱。高明之家。鬼瞰其室。攫拏
者亡。默與者存。位極者宗危。自守者身全。

申屠剛上元后疏曰。損益之際。孔文攸嘆。持滿之戒。
老子有慎。蓋聞功蓋天下者不安。威震人主者不全。
玉符貴忠篇曰。嬰兒有常病。貴臣有常禍。父母有常
失。人君有常過。嬰兒常病。傷於飽也。貴臣常禍。傷於
寵也。愛子而賊之。驕臣而滅之。非一也。夫鳥以山為
卑。而增巢其上。魚以泉為淺。而穿穴其中。卒所以得
之者。餌也。

李固奏記王商曰。夫崇高則危。太滿則溢。月盈則缺。
日中則移。天地之心。福謙忌盈。是以賢達功遂身退。
全名養壽。無有怵迫之憂。

張衡上靈帝疏曰。恭儉畏敬。必蒙祉祚。奢淫恣慢。鮮

不夷戮。前事不忘。後事之師也。夫情勝其性。流遯忘反。故積惡成釁。非不可解也。

崔駰承命戒竇憲書曰。今夫謙德之光。周易所美。滿溢之愆。道家所戒。故君子福大而愈懼。爵隆而愈恭。遠察近覽。俯仰有則。銘諸几杖。刻諸盤杆。

晉王坦之謙論曰。物之所貴。已不可收。人之所貴。我不可取。○隆名在於矯伐。而不在於期當。匿已在於遺顯。而不在於求是。於是謙光之義。與矜兢而俱生。早挹之義。與誇伐而並進。○桑枝不兢。瓜潤空慚。垂

大信於南服。傾吳人於漢渚。江衢如坻。襜袂同歸。而

在乎成功。辨辱。幅巾窮巷。落落焉。不係風颺者也。吳楚

之界桑婦不爭採桑梁與楚界梁瓜肥而楚瓜小楚人鋤之梁民告於其令令使人夜澆之楚人自愧

韓伯辨謙論曰。夫謙之為義。存乎降已者也。以高從

卑。以賢同鄙。故謙名生焉。孤寡不穀。人之所惡。而侯

王以自稱。降其貴也。執御執射。衆之所賤。而君子以

自目。降其賢者也。未能一觀於能鄙。則貴賤之情立。

非忘懷於彼我。則私已之累存。當其所貴。在我則矜。

值其所賢。能之則伐。處貴非矜。而矜已者。當有其貴。

言善非伐。而伐善者。驟稱其能。是以矜貴善之傷德者。故宅心於卑素。悟驟稱之虧理者。故情存乎不言。存情乎不言。則善斯匿矣。宅心於卑素。則貴斯降矣。隋李德林天命論曰。位尊而心逾下。祿厚而志稱約。寵盛思之以懼。道高守之以恭。

李諤奏曰。人臣之道。陳力濟時。雖勳比大禹。功如師望。亦不得厚自矜伐。上要君父。况復功無足紀。勳不補過。而敢自陳勲績邪。

家顏延之廷誥文曰。若乃言不出於戶牖。身不以義。義又立。才未信於僕妾。而曰我有以過人。於是感荀銳之志。馳傾軋之望。豈悟已挂有識之裁。入傍家之誠乎。

魏李彪上魏文帝表曰。謙尊而光。為而弗有。可謂四三皇而六五帝矣。宜功垂於竹帛。聲播於金石。

後魏誥曰。大道凝虛。至德冲挹。故君王法玄猷以御世。聖人崇謙光而降美。

常景讚述曰。夫人之度。邈於無階之天。勢位之危。深於不測之地。餌厚而躬不競。爵降而心不係。守善於

已成懼愆於未敗。

明楊慎璅語曰。將飛者翼伏。將奮者足跼。將噬者瓜縮。將文者且朴。孫武云。始如處女。敵人開戶。後如脫兔。敵不及拒。范蠡曰。見之似好婦。奪之似懼虎。故曰。時至而應。心暇者勝。夫抗兵相加。衰者勝矣。夫惟鴻門之不爭。故垓下莫之與爭。

潘府南山素言曰。薦賢惟恐後。論功惟恐先。古之道也。拘虛寤言曰。豐體者多痺。脩驅者易躓。氣之難周。力之不逮也。故君子懷自盈之憂。耻過人之譽。

新選古今類腋卷之九 終

陸龜古今賦輒卷之六

之不極也。故天子射自盛。之憂。匪匪人之譽。

新選古今類腋卷之十

道德類二 誠實 廉靜 謀斷 節儉 出處

誠實

蒙爻象曰。困蒙之吝。獨遠實也。○鼎爻象曰。鼎黃耳。

中以為實也。

洛誥曰。予旦以多子越御士。篤前人成烈。荅其師作。

周孚先。以實倡人

王藻曰。顛實揚休。○表記曰。君子不以口譽人。則民

誠實

古今類腋

卷一

一

並

古今類聚 卷七
作忠。故君子問人之寒則衣之。問人之饑則食之。稱人之善則爵之。口惠而實不至。怨災及其身。是故君子與其有諾責也。寧有已怨。君子不以色親人。情疎而貌親。在小人則穿窬之盜也。歟。

史李廣傳斷曰。李將軍悛悛如鄙人。口不能道辭。及死之日。天下知與不知。皆為盡哀。彼其忠實心誠。信於士大夫也。諺曰。堯李不言。下自成蹊。此言雖小。可以喻大。

漢昔陳平智有餘以見疑。周勃質朴忠而見信。夫仁者足以相懷。則智者以有餘為疑。而朴者以不足為信矣。○萬石君家以孝謹聞乎郡國。雖齊魯諸儒質行。皆自以為不及也。皇太后以為儒者文多質少。今萬石君家不言而躬行。乃以長子建為郎中令。少子慶為內史。

王良傳曰。宣秉王良。處位優重。而秉其蔬薄。良妻荷薪。可謂行過乎儉。然當世咨其情。人君高其節。豈非臨之以誠哉。語曰。同言而信。則信在言前。同令而行。則誠在令外。不其然乎。

古今類賦 卷十
三國葵霍之傾葉。太陽雖不為之回光。然向之誠也。
晉虞預上言元帝曰。天道貴信。地道貴誠。誠信者。蓋
二儀所以生植萬物。人君所以保乂黎蒸。是以殺伐
擬於雷電。推恩象於雲雨。刑罰在於必信。慶賞貴於
平均。

隋高祖美玉伽詔曰。凡在有生。含靈稟性。咸知好惡。
並識是非。若臨以至誠。明加勸導。則俗必從化。人皆
遷善。

唐陸贄曰。秦皇嚴衛。雄猜而荆柯奮其陰計。魏武岸
幘以待。而馬援輸其款誠。豈不以虛懷待人。人亦
附任數御物。物終不親。

蕭撝傳論曰。君臣之道。既篤。家國之情。亦隆。金石不
足比其心。山河不足盟其誓。

張燾對英宗曰。人主戡定禍亂。未有不出於至誠。而
能濟者。號令之發。不足以感人心。政事之施。未足以
慰人望。由在我之誠。有未脩也。

黃洽曰。居家不欺親。仕不欺君。仰不欺天。俯不欺人。
幽不欺鬼神。何用求福耶。

上官均上宣仁太后曰。以誠待人。則人思竭忠。以疑
遇物。則人思苟免。
何郊對哲宗曰。以誠待物。則物必應以誠。誠與疑。治
亂之本也。不可以一臣詐而疑衆臣。不可以一士詐
而疑衆士。

詹初曰。心實則事實。實而積之。積而滿之。則念念事
事皆無妄。夫是之謂充也。而誠其度幾矣。

何鑄上高宗曰。夫心術不正。徇虛以求名。托名以規
利言。不由衷。而首尾嚮背。行險自售。而設意相傾者。

易無禮者。為行己之失。
元世祖赦詔曰。應天者惟以至誠。拯民者莫如實惠。

卮辭曰。至誠之道。通天人。貫古今。萬理之原。百行之
根。其存不易。其運不息。不易故有常。不息故無疆。

明楊慎璫語。見睫者不若身歷。騰口者不若目擊。

廉靜

賁文曰。賁其趾。舍車而徒。象曰。舍車而徒。義弗乘也。
○艮豕曰。艮其背。不獲其身。行其庭。不見其人。

意靜

國風伐檀曰。不稼不穡。胡取禾三百廛兮。不狩不獵。胡瞻爾庭有縣貆兮。彼君子兮。不素餐兮。○國風考槃曰。考槃在澗。碩人之寬。獨寐寤言。永矢弗諼。○衡門曰。衡門之下。可以棲遲。泌之洋洋。可以樂饑。

左傳曰。夫富如布帛之有幅焉。為之制度。使無遷也。民生厚而用利。於是乎正德以幅之。使無黜媿。謂之福利。利過則為敗。吾不敢貪多。所謂幅也。

胡傳曰。夫文子相三君。無衣帛之妾。無食粟之馬。無金玉。無重器備。則固忠於公室。而不顧其所食之

私邑也。

檀弓曰。齊大饑。黔敖為食於路。以待餓者而食之。有餓者蒙袂緝履。貿然來。黔敖左奉食。右執飲。曰。嗟。來食。揚其目而視之。曰。予惟不食嗟來之食。以至於斯也。從而謝焉。終不食而死。○坊記曰。君子辭貴不辭賤。辭富不辭貧。則亂益亡。君子與其使食浮於人。寧使人浮於食。○儒行曰。儒有不隕獲於貧賤。不充詘於富貴。

家語曰。曾子敝衣而耕於魯。魯君聞之。而致邑焉。固

辭不受。曰。吾聞受人施者常畏人。與人者常驕人。縱君有賜。不我驕也。吾豈能勿畏乎。

管子曰。禮義廉耻不立。人君無以自守也。全生之說勝則廉靜不立。

鮑焦衣弊膚見。挈畚持蔬。遇子貢於道。子貢曰。吾子何以至於此也。鮑焦曰。天下之遺德教者衆矣。吾何以不至於此也。吾聞之。世不已知。而行之不已者。爽行也。上不已用。而干之不止者。是毀廉也。行爽廉毀。然且弗舍。惑於利者也。子貢曰。吾聞之。非其世者不

生其利。汗其君者不履其土。非其世而持其蔬。詩曰。溥天之下。莫非王土。此誰有之哉。鮑焦曰。於戲。吾聞賢者重進而輕退。廉者易愧而輕死。於是棄而立槁於洛水之上。

淮南子曰。至人量腹而食。度形而衣。容身而游。適情而行。餘天下而不貪。委萬物而不利。○民無廉耻。不可治也。非脩禮義。廉耻不立。

新書曰。廉耻禮節以治君子。故有賜死而無僇辱。是以繫縛榜笞。髡削黥劓之罪。不及士大夫。以其離主

古今類賦 卷十 六
不遠也。今自王侯三公之貴，皆天子之所改容而禮之也。古天子之所謂伯父伯舅也。而今與衆庶徒隸同黥劓髡笞僇棄市之法。然則堂下不亡陛下乎。被僇辱者不大迫乎。庶耻不行於大臣。無乃握重柄大官。而有徒隸無耻之心乎。上設庶耻禮義以遇其臣。而群臣不以節行而報其上者。即非人類也。故化成俗定。則為人臣者。主爾忘身。國爾忘家。公爾忘私。利不苟就。害不苟辟。唯義所在。在上之化也。故父兄之臣誠死宗廟。法度之臣誠死社稷。輔翼之臣誠死君

上。守衛捍敵之臣誠死城郭封境。故曰。聖人有金城者。此物此志也。彼且為我死。故吾得與之俱生。彼且為我亡。故吾得與之俱存。彼將為我危。故吾得與之皆安。顧行而忘利。守節而服義。故可以託不御之權。可以寄五尺之孤。此厲庶耻。行禮義之所數也。說苑曰。君子雖窮。不處亡國之勢。雖貧。不受亂君之祿。

魯仲連傳曰。平原君以千金為連壽。連笑曰。所謂貴於天下之士者。為人排患釋難解紛亂而無取也。即

有取者。是商賈之士也。而連不忍為也。

屈原對漁父曰。新沐者必振衣。新浴者必彈冠。人誰能以身之察察。而受物之汶汶者乎。又安能以浩浩之白。而蒙世之溫蠖乎。楚詞作蒙緦之塵埃

趙良對商君曰。非其位而居之曰貪位。非其名而有之曰貪名。

漢楊雄解嘲曰。知玄知默。守道之極。爰清爰靜。游神之庭。惟寂惟冥。守德之宅。

逸民傳。或隱居以求其志。或曲避以全其道。或靜已

以鎮其躁。或去危以圖其安。或垢俗以動其弊。或
物以激其清。故蒙耻之賓。屢黜不去其國。蹈海之節。
千乘莫移其情。

仲長統述志篇曰。安神閨房。思老氏之玄虛。呼吸精
和。求至人之彷彿。俯仰二儀。錯綜人物。彈南風之雅
操。發清商之妙曲。逍遙一世之上。睥睨天地之間。不
受當時之貴。永保壽命之期。如是則可以凌霄漢。出
宇宙之外矣。

班嗣復桓譚書曰。漁釣於一壑。則萬物不奸其志。栖

遲於一立。則天下不易其樂。不結通人之罔。不古與古字。驕君之餌。蕩然肆志。談者不得而名焉。故可貴也。
光武詔求郭丹嗣子曰。孔子忍渴於盜泉之水。曾參
回車於勝母之門。惡其名也。
章佚傳論曰。一言納賞。志士為之懷耻。受爵不讓。風
人所以興歌。章佚廷議。戚援自居全德。意者直有餘
而廉不足也。審偽本乎其情耳。

蜀郤正釋譏語曰。狹屈氏之常醒。濁漁父之必醉。涸
柳季之卑辱。褊夷叔之高懟。合不以得。違不以失。得
不克誦。失不慘悸。不樂前以顧軒。不就後以慮輕。不
粥譽以干澤。不辭愆以就誡。何責之辭。何殮之卹。何
枉之排。何直之入。

晉史論竹林七賢曰。其進也。撫俗同塵。不居名利。其
退也。餐和履順。以保天真。棄彼榮華。則俯輕爵位。懷
其道術。則顧蔑王公。
東晉玄居篇曰。天進無險懼。而惟寂之務者。率其性
也。兩可俱是。而舍彼趨此者。從其志也。蓋無為可以
解天下之紛。澹泊可以救國家之急。當位者爭有所

窮。陳策者言有不入。翟璜不能回西鄙之寇。平勃不能止如意之立。干木卧而秦師退。四皓翼而戚姬泣。何舍何執。何去何就。守分任性。惟天所授。鳥不假甲於龜。魚不假足於獸。何必笑孤竹之貧。而羨齊景之富。且能約其躬。則儋石之畜以豐。苟肆其欲。則海陵之積不足。將研六籍以訓世。守寂泊以振俗。以太虛為廬。玄鑪為肆。神游莫競之休。心存無營之室。榮利不擾其覺。殷憂不干其昧。捐夸者之所貪。收躁妄之所棄。雖聖籍之荒蕪。總群言於一致。

潘尼安身論曰。夫榮之所不能動者。則辱之所不能加也。利之所不能勸者。則害之所不能嬰也。譽之所不能益者。則毀之所不能損也。動則行乎至通之路。靜則久乎大順之門。泰則翔乎寥廓之宇。否則淪乎渾溟之泉。邪氣不能干其度。外物不能擾其神。哀樂不能變其守。死生不能易其真。而以造化為工匠。天地為陶鈞。名位為糟粕。勢利為埃塵。治其內而不飾其外。反諸已而不求諸人。

蕭統序淵明集曰。夫自銜自媒者。士女之醜行。不伎

古今類事 卷十
不求者。明達之用心。是以聖人韜光。賢人遁世。其故何也。含德之至。莫喻于道。親正之切。無重於身。故莊周垂釣於濠。伯成躬耕於野。或貨海東之藥草。或紡江南之落毛。譬彼鴛鴦。豈競為鴝之肉。猶斯雜縣。音懸說苑列鐘鼓之縣。蓋文仲奏鐘鼓祀鷓居。寧勞文仲之牲。○唐堯四海之主。而有汾陽之心。子晉天下之儲。而有洛濱之志。是以至人達士。因以晦迹。或懷瑾而謁帝。或被褐而負薪。鼓楫清潭。棄機漢曲。情不在於衆事。寄衆事以忘情者也。

宋陸徽存朱萬嗣表曰。冰心與貪流爭激。霜情與晚節彌茂。歷宰金山。家無寶鏤之飾。連組珠海。實靡瑋珉之珎。珎確確通用然守志不求聞達。實足以澄華汚吏。洗鏡貪氓。

隋韋世康與子弟書曰。志除三惑。心慎四知。以不貪而為寶。處膏脂而莫潤。高祖詔稱彭城王曰。清規懋賞。與白雲俱潔。厭榮捨。緘以松竹為心。

李騫釋情賦。入成都之舊宅。反觀津之故廡。乃曲肱

而不悶。信抱甕而無機。且耕而食。且蠶而衣。恒一日而自省。亦三月而無違。遊仁義之毅。覈採墳索之精。微誠因閑而養拙。亦有樂於嘉肥。子貢過衛見治圃因嘆曰何勞也吾教子為機可以一日而數哇身人解曰其矣吾惡夫為機者也潘好禮曰。夫惡木垂陰。志士不息。盜泉飛溢。廉夫不飲。

宋隱逸傳松江漁父曰。養志者忘形。養形者忘利。致道者忘心。心形俱忘。其視軒冕猶塵芥耳。

巽象曰。巽在壯下。喪其資斧。言無決斷之具也貞凶。○泰

曰。用憑河。果斷剛決也

大禹謨曰。任賢勿貳。去邪勿疑。疑謀勿成。○無稽之言勿聽。弗詢之謀勿庸。○朕志先定。詢謀僉同。○周官曰。惟克果斷。乃罔後艱。

小雅皇華曰。載馳載驅。周爰咨謀。○小旻曰。謀之其臧。則具是遠。謀之不臧。則具是依。我視謀猶。伊于胡底。我龜既厭。不我告猶。謀夫孔多。是用不集。發言盈庭。誰敢執其咎。如匪行邁謀。是用不得于道。

謀斷

古今類史

卷十

三

伯成

大雅爪哇曰。爰始爰謀。爰契我龜。

左傳曰。奕者舉棋不定。不勝其隅。○馮簡子能斷大事。裨謀能謀。謀於野則獲。謀於邑則否。鄭國將有諸侯之事。子產乃與裨謀以適野。使謀可否。而告馮簡子使斷之。

檀弓曰。謀人之軍師。敗則死之。謀人之邦邑。危則亡之。○表記曰。得志則慎慮而從之。否則孰慮而從之。

國策趙武靈王語肥義曰。夫有高世之功者。必負違俗之累。有獨智之慮者。必被庶人之恐。對曰。臣聞之。疑事無功。疑行無名。論至德者不和於俗。成大功者不謀於衆。昔舜舞有苗。而禹袒入裸國。非以養欲而樂志也。欲以論德而要功也。愚者暗於成事。智者見於未萌。

陸賈曰。懷異慮者。不可以立計。持兩端者。不可以定威。說死曰。聖王之舉事。必先諦之於謀慮。而後考之於蓍龜。白屋之士。皆關其謀。芻蕘之後。咸盡其心。故萬舉而無遺。籌失策。傳曰。衆人之智。可以測天。兼聽獨斷。惟在一人。此大謀之術也。謀有二端。上謀知命。其

次知事。知命者預見存亡禍福之原。早知盛衰興廢之始。防事之未萌。避難於無形。若此人者。居亂世則不害於其身。在太平之世。則必得天下之權。見事而知得失成敗之分。而究其所終極。故無敗業廢功。淮南子曰。耳目之察。不足以分物理。心意之論。不足以定是非。

史商君告秦孝曰。論至德者不和於俗。成大功者不謀於衆。故聖人苟可以疆國。不法其故。苟可以利民。不循其禮。

說韓信曰。夫聽者事之候也。計者事之機也。聽過計失。而能久安者鮮矣。聽不失一二者。不可亂以言。計不失本末者。不可紛以辭。故知者決之斷也。疑者事之害也。審毫釐之小計。遺天下之大數。智誠知之。決弗能行者。百事之禍也。故曰猛虎之猶豫。不若蜂蠆之致螫。騏驥之踟躕。不若駑馬之安步。孟賁之狐疑。不如庸夫之必至也。雖有舜禹之智。吟而不言。不如瘖聾之指麾也。此言貴能行之。夫功者難成。而易敗。時者難值。而易失也。時乎時乎。不再來。

古今類用 卷十
蒙恬傳曰。輕慮者。不可以治國。獨智者。不可以存君。
相如喻蜀父老曰。世必有非常之人。然後有非常之
事。有非常之事。然後有非常之功。非常者。固常之所
異也。故曰。非常之原。黎民懼焉。及臻厥成。天下晏如
也。故休烈顯于無窮。聲稱浹乎于茲。
魯仲連遺燕將書曰。狐疑猶豫。後必有悔。斷而敢行。
鬼神避之。智者不背時而棄利。勇士不怯死而滅名。
忠臣不先身而後君。

漢王元說隗囂曰。牽儒生之說。棄千乘之塞。實也羈旅

危困。以求萬全。此循覆轍之軌。計之不可者也。要之
魚不可脫於淵。神龍失勢。還與蚯蚓同。

劉向上成帝封事曰。夫執狐疑之心者。來讒邪之口。
持不斷之意者。開群枉之門。讒邪進。則衆賢退。群枉
盛。則正士消。

竇融與隗囂書曰。有高人之行。負非於世。有獨見之
慮。見贅於人。故信庸庸之論。破金石之策。襲當世之
操。失高明之德。夫決者。智之君也。疑者。事之役也。夫
負虛交而易彊禦。恃遠救而輕近敵。未見其利也。且

古今類聚 卷十
智者不危衆以舉事。仁者不違義以要功。其陳
魏郭嘉對曹操曰。多謀少決。失在事後。策得輒行。應
變無窮。

鍾繇上魏明帝疏曰。策貴廟勝。功尚帷幄。不下殿堂
之上。而決勝千里之外。

晉武帝制曰。心屢移於衆口。事不定於己喆。○夫全
一人者。德之輕。拯天下者。功之大。

羊祜請平吳曰。夫適道之論。皆未應權。是故謀之雖
多。而決之欲獨。

慕容德請誅苻堅曰。昔魯祁侯不納三甥之謀。終

楚所滅。吳夫差違子胥之諫。取禍勾踐。前事之不忘。

後事之師也。語曰。當斷不斷。反受其亂。

唐文宗策士制曰。夷吾輕重之權。孰輔於治。嚴尤底

定之策。孰叶於時。元凱之考課。何先。叔子之克平。何

務。惟此龜鑑。擇乎中庸。

宋史論曰。謀大事。決大疑。非疑定有立者。不能也。

趙瞻上英宗曰。英斷獨化。人主之至權也。審至權者。

當主以天下之大公。揆以天下之正論。如是而後權。

可一也。

崔與之告理宗曰。人主當收攬大權。悉歸獨斷者。必是非利害。卓有定見。而後獨斷以行之。大抵獨斷當以兼聽為先。倘不兼聽。其勢必至於偏聽。實為亂階。威令雖行於上。而權柄潛移於下矣。南唐龔慎儀諭劉鋹書曰。十戰而九勝。亦一敗之可憂。六奇而五中。則一失之何補。人自稱勝。國自見強。蓋揣于此而不揣于彼。經其成而不經其敗也。陳亮上寧宗曰。有非常之人。然後可以建非常之功。而用常才。出常計。舉常事以應之。不待智者而後知其無有濟也。

節儉

節彖曰。節亨。苦節不可貞。○大過象曰。用過乎儉。大禹謨曰。克儉于家。○大甲曰。慎乃儉德。魏風葛履曰。糾糾葛履。可以履霜。摻摻女子。可以縫裳。左傳御孫曰。儉德之共也。○季文子無衣帛之妾。無食粟之馬。無藏金玉。無重器備。君子是以知文子之

節儉

忠於公室也。相三君而無私藏。可不謂忠乎。○閔公曰。衛文公大布之衣。大帛之冠。○叔向曰。子展儉而壹。

公羊傳曰。晉靈公無道。趙盾趨入。靈公望見再拜。盾出。公使勇士往殺之。勇士窺其戶。方食魚飧。勇士曰。子誠仁人也。為晉國重卿。而食魚飧。見子之儉也。吾不忍殺子也。亦不可復見。遂自剄而死。

禮器曰。管仲鏤簋朱紘。山節藻梲。君子以為濫矣。晏平仲祀其先人。豚肩不掩豆。澣衣濯冠以朝。君子以

為濫矣。

又雜記孔子曰。管仲鏤簋而朱紘。山節而藻梲。賢大夫也。而難為上也。晏平仲祀其先人。豚肩不掩豆。賢大夫也。而難為下也。君子上不僭上。下不偏下。

孔子對哀公曰。即安其居。醜其衣服。卑其宮室。車不雕機器。不刻鏤。食不二味。以與民同利。

管子曰。故聖人之制事也。能節宮室。適車輿。以實藏。則國必富。位必尊矣。能適衣服。去玩好。以奉本。而用必瞻。身必安矣。○上已巧矣。而民不足於用者。其悅在玩好。農已勞矣。而天下饑者。其悅在珍玩。女已巧矣。而天下寒者。其悅在文綉。

說苑曰。孔子曰。中人之情。有餘則侈。不足則儉。無禁則淫。無度則失。縱欲則敗。飲食有量。衣服有節。宮室有度。畜聚有數。車噐有限。以防亂之源也。故夫度量不可不明也。善欲不可不聽也。
子華子曰。夫儉。聖人之寶也。所以御世之具也。三皇五帝之所留察也。○夫儉在內。不在外。儉在我不在物也。心居中虛。以治五官。精氣動薄。神化回瀾。畜其所以出。而謹節其所受。然後神宇以定。而精不搖。其格物也明。其遇事也剛。此之謂儉。

齊丘子曰。儉於德。可以養慮。儉於視。可以養神。儉於言。可以養氣。儉於私。可以獲富。儉於公。可以保貴。儉於門閭。可以無盜賊。儉於環衛。可以無叛亂。儉於職官。可以無奸邪。儉於嬪嬙。可以保壽命。儉於心。可以出死生。是知儉者。萬化之柄也。○君儉則臣知足。臣儉則士知足。士儉則民知足。民儉則天下知足。
漢濟陰悼王傳論曰。晏子稱人生厚而用利。於是乎正德以幅之。謂之幅利。言人情須節以正其德。亦由布帛。須幅以成其度焉。

吳隱之傳論曰。處可欲之地。而能不改其操。享維錯之富。而家人不易其服。

江統曰。魯僖以躬儉節用。聲列雅頌。蚡胃以葦路藍縷。用張楚國。文子相魯。妾不衣帛。晏嬰相齊。鹿裘不

補葦路柴車也

梁賀琛曰。夫論至治者。必以惇素為先。正彫流之弊。莫有過儉朴者也。

出處

乾文言曰。樂則行之。憂則違之。○進退無恒。非離群

也。君子進德脩業。欲及時也。○君子以成德為行。日可見之行也。潛之為言也。隱而未見。行而未成。是以

君子弗用也。○此象曰。比之自內。不自失也。○外比于賢。以從上也。○觀爻曰。觀我生進退。○觀國之光。

利用賓于王。象曰。觀國之光。尚賓也。○蠱爻曰。不事王侯。高尚其事。

小雅白駒曰。爾公爾侯。逸豫無期。慎爾優游。勉爾過思。

左傳曰。臣之祿。君實有焉。義則進。否則奉身而退。專

出處

古今類史

卷十

七

祿以周旋義也。○鳥能擇木。木豈能擇鳥。

少儀曰。事君者。量而后入。不入而后量。○儒行曰。懷

忠信以待舉。力行以待取。

家語孔子自衛將入晉。至河。聞趙簡子殺竇犢。鳴犢

及舜華。乃臨河而嘆曰。丘之不濟此命也。丘聞之。剡

胎殺夭。則麒麟不至其郊。竭澤而漁。則蛟龍不處其

淵。覆巢破卵。則鳳凰不翔其邑。鳥獸之於不義。尚知

避之。况於人乎。○夫道之不脩。是吾醜也。夫道既已

大脩而不用。是有國者之醜也。不容何病。不容然後

見君子。○子路問於孔子曰。由聞丈夫居世。不能有

益於物。處貧賤之中。而不能屈節以求伸。則不足以

論乎人之域矣。孔子曰。君子之行已。期於必達於已。

可以屈則屈。可以伸則伸。故屈節者所以有待。求伸

者所以及時。是以雖屈而不毀其節。志違而不犯於

義。

韓詩外傳曰。夫朝廷之士為祿。故入而不出。山林之

士為名。故往而不返。入而亦能出。往而亦能返。通移

有常。聖也。

劉子新論曰。翠斂翻于明丘之林。則解羽之患永脫。龜曳尾於暘谷之泥。則鑽灼之患不至。丹伏光於春山之底。則磨肌之患永絕。石充體於玄圃之崑。則剖琢之憂不及。○窮巖曲岫之梓櫟。生於積石。穎貫青天。根鑿黃泉。分條分葉。輪菌礫碗。麒麟戲其下。鷓鴣游其巔。浮雲棲其側。清風激其間。終歲無毫釐之憂。免刀斧之害者。非與人有德也。能韜其質。故致全性也。踞側之榆。樵人采其條。匠者伐其柯。餘有尺蘖。而為行人所折者。非與人有讐也。然而致寇者。形不隱

也。周鷄斷尾。獲免犧牲。文王欲殺雄鷄。祭廟其鷄。毛色乃自斲其尾。恐神明不

歆遂山狙見巧。終必招害。楚王使由基射山狙事。由此言之。則

出處之理亦可知矣。

無能子曰。欲於中。漁樵耕牧有心也。不欲於中。帝車侯服無心也。故聖人宜處則處。宜行則行。理安於獨善。則許由善卷不恥為匹夫。勢便於兼濟。則堯舜不辭為天子。其為無心一也。

史蔡澤說范雎曰。日中則移。月盈則虧。物盛則衰。天地之常數也。道退盈縮。與時變化。聖人之常道也。故

國有道則仕。國無道則隱。欲而不知止。失其所以欲。有而不知足。失其所以有。○功成不退。禍至於身。所謂信音而不能屈。往而不能返者也。

李斯別荀卿曰。詭莫大於卑賤。而卑莫甚於窮困。久處卑賤之位。困苦之地。非世而惡利。自託於無為。非士之情也。

太史公報任安書曰。士為知己。毋女為悅已者容。若僕大質已虧缺矣。雖才懷隨。不足以發笑而自點耳。

賈誼吊屈原。鳳凰翔于千仞兮。覽德輝而下之。見德之顯微兮。遙增翮逝而去之。漢崔駰達音曰。道無常稽。與時張弛。失仁為非。得義為是。君子通變。各審所履。故士或掩目而淵潛。或盪耳而山棲。或草耕而僅飽。或木茹而長饑。或重聘而不來。或屢黜而不去。或冒詢以干進。或望色而斯舉。或以役夫發夢於王公。或以漁父見兆於元龜。若夫紛濃塞路。凶虐播流。人有昏墊之危。主有疇咨之憂。條垂蠡蔓。上下相求。於是賢人授手。援世之灾。昔堯

含戚而臯陶謨。高祖嘆而子房慮。禍不散而曹絳奮。結不解而陳平權。及其策合道從。克亂彌衝。乃將鏤玄圭。冊顯功。銘昆吾之冶。勒景襄之鍾。與其有事。則褰裳濡足。寇挂不顧。人溺不拯。則非仁也。當其無事。則獵纓整襟。規矩其步。德讓不脩。則非忠也。是以險則救俗。平則守禮。○夫廣厦成而茂木暢。遠求存而良馬繫。陰事終而冰宿藏。場功畢而大火入。于斯之際。處士山積。學者川流。衣裳被宇。冠蓋雲浮。譬猶衡陽之林。岱陰之麓。伐尋抱不為之稀。執拱把不為之數。彼採其華。我收其實。舍之則藏。已所學也。故進動以道。則不辭執圭而秉柱。國復靜以理。則甘糟糠而安藜藿。君子非不欲仕也。耻夸毗以求舉。非不欲室也。惡登墻而樓處。叫呼銜鬻。縣旌自表。非隨和之寶也。暴智耀世。因以干祿。非仲尼之道也。○夫上世之士。或解縛揚雄。解嘲曰。當途者入青雲。失路者委溝渠。旦握權則為卿相。夕失勢則為匹夫。○夫上世之士。或解縛而相。或釋褐而傳。或倚夷門而笑。或橫江潭而漁。或七十說而不遇。或立談間而封侯。或在千乘於陋巷。

或擁帚筭而先驅。

班固賓戲曰。蘇氏之璧韞於荆石。隋侯之珠藏於蚌蛤。歷世莫視。不知其將含景耀。吐精華。曠千載而流夜光也。應龍潛於潢汙。魚龜媒之。不覩其能奮靈德。合風雲。超忽荒而踈顛蒼也。故夫泥蟠而天飛者。應龍之神也。先賤而後貴者。蘇隋之珍也。昔闇而久章者。君子之真也。

李固與黃瓊書曰。不夷不惠。可否之間。聖賢居身之所珍也。誠遂欲枕山棲谷。擬迹巢由。斯則可矣。若當輔政濟民。今其時也。必待堯舜之君。此為志士。終無時矣。

王褒聖主得賢。臣頌曰。昔賢者之未遇也。圖事揆策。則君不用其謀。陳見悃誠。則上不然其信。進仕不得施效。斥逐又非其愆。是故伊尹勤於鼎俎。太公困於鼓刀。百里自鬻。甯子飯牛。離此患也。及至遇明君。遭聖主也。運籌合上意。諫諍則見聽。進退得關其忠。任職得行其術。去卑辱與渫。而升本朝。離疏釋僑。而享膏粱。剖符錫壤。而光祖考。傳之子孫。以資說士。故世

必有聖知之君。而後有賢明之臣。胡廣論曰。懷祿以圖存者。士子之恒情。審能而就列者。出身之常體。夫紆於物則非已。直於志則化俗。辭其艱則垂義。徇其節則失身。統之方軌。易因險塗。難御。故昔人明慎於所受之分。遲回於岐路之間也。王基薦管寧曰。龍鳳隱耀。應德而臻。明哲潛遁。俟時而動。是以鶯鶯鳴岐。周道興隆。四皓為佐。漢帝用康。晉王隱傳論曰。遭時則以功達其道。不遇則以言達其才。

晉稽康辭山濤薦書曰。達能兼善而不渝。窮則自得而無悶。故知堯舜之君世。許由之巖棲。子房之佐漢。接輿之行歌。其揆一也。故君子百行。殊塗而同致。循性而動。各適所安。故有居朝堂而不出。入山林而不返之論。

庾峻勸禮隱士曰。故有朝廷之士。必有山林之士。朝廷之士。佐主成化。猶人之有股肱心膂。共為一體也。山林之士。被褐懷玉。大止栖於丘園。高節出於衆庶。彼其清劭。足以抑貪污。退讓足以息鄙事。在朝之臣。

聞其風而悅之。將受爵者皆耻躬之不逮。斯山林之士。避寵之臣。所以為美也。先王嘉之。節雖離世。而德合於主。行雖詭朝。而功同於改。

袁峻謂范元琰曰。往者天地閉。賢人隱。今世殆已。清子遁可乎。荅曰。周德雖興。夷齊不厭薇蕨。漢道方盛。黃綺無悶山林。為仁由己。何關人世。

宋隱逸傳曰。夫獨往之人。皆稟偏介之性。不能摧志。屈道。借譽期通。若使值見信之主。逢時來之運。豈其放情江海。取逸丘樊。蓋不得已。而然故也。且巖壑闕

遠。水石清華。雖復崇門八襲。高城萬雉。莫不蓄泉。泉。髣髴林澤。故知松山桂渚。非止素玩。碧澗清潭。成。鹿。躡。掛。冠。東。都。夫。何。難。之。有。哉。

齊庾易辭臨川王餉麥曰。若道義內足。希微兩忘。藏景窮巖。蔽名愚谷。解桎梏於仁義。樂形神於天壤。則名教之外。別有風猷。故堯封有非聖之人。孔門謬鷄

黍之客。次則崇獨往之高節。重去就之虛名。激兢遠貪。與世為異。道有不申。行岑出澤。咸皆用宇宙而成心。借風雲以為戒。不然。與樵者之在山。何殊別哉。

古今類用 卷一
樵採麋鹿之伍。終其解毛之衣。馳騁日月之車。得保
自耕之祿。異於不守。於此出。則其自。而
齊宗測辭。魚腹侯贈遺曰。量腹而進松木。度形而衣
薛蘿。淡然已足。
陳馬樞曰。貴爵位者。以巢由為桎梏。愛山林者。以伊
呂為管庫。束名實。則蕩芥柱下之言。翫清虛。則糠粃
席上之說。稽之篤論。亦各從其所好也。

梁江淹獄中書曰。上則隱於簾肆之間。卧於巖石之
下。次則結綬金馬之門。高議雲臺之上。次則虜南越
之君。係單于之頸。供啓冊冊。並圖青史。寧當爭分寸
之末。競刀銖之利哉。

魏長賢復親故規責書曰。有負昂俎以趨世。隱魚釣
以待時。操築傅巖之下。取履地橋之上者矣。有釋賃
重以匡伯業。委輓輅以定王基。由斬祛以見禮。因射
鈎以受相者矣。有三黜不移。屈身以直道。九死不悔。
甘心於苦節者矣。事雖萬殊。理則一致。權其大要。歸
於忠孝。孝則竭力所生。忠則致身所事。
隋隱逸傳曰。洪崖兆其始。箕山扇其風。七人作乎周

年四皓光乎漢室。○其大者則輕天下。細萬物。其小者則安苦節。甘貧賤。或與世同塵。隨波瀾以俱逝。或違時矯俗。望江湖而獨往。狎玩魚鳥。左右琴書。拾遺粒而織落毛。飲石泉而蔭松栢。放情宇宙之外。自足懷抱之中。然皆欣欣於獨善。鮮汲汲於兼濟。而受命哲王。守文令主。莫不束帛交馳。蒲輪結轍。奔走巖谷。唯恐不逮者何哉。以其道雖未弘。志不可奪。縱無舟楫之功。終有堅貞之操。足以立懦夫之志。

逸士傳曰。忘懷纓冕。畢志丘園。隱不違情。貞不絕俗。李騫釋情賦曰。等渤澥之乘鴈。類九罟之逃魚。處江淮而不變。對朝市而閑居。空闔門以靖軌。非論道而脩書。

明劉基擬連珠曰。時有未至。非力所求。情有未孚。非言可親。是以見疑之璞。三年而取。則足不鳴之鳥。三年而後驚人。○蛭蟻之藪。神龍不棲。蒿蕪之區。嘉禾不值。故秦庭虎視。而芝歌逸響于商山。周澤鴻鳴。而紫氣流光于西極。

應變

明夷彖曰。內文明而外柔順。以蒙大難。文王以之。剋
艱貞。晦其明也。內難而能正其志。箕子以之。○繫辭曰。
一闔一闢。謂之變。往來不窮。謂之通。○旁行而不流。
化而裁之。存乎變。推而行之。存乎通。○變通者。趨時
者也。○易窮則變。變則通。通則久。○不可為典要。唯
變所適。○巽以行權。

左傳曰。變而不失其正。謂權。常而不過於中。謂
正。常者。道之正。變者。道之中。○賢者守其常。聖人盡
其變。

家語曰。計不先定者。不可以應卒。

楚辭曰。聖人者。不疑滯於物。而能與世推移。

孫子曰。先發制人。後發制於人。

趙武靈王曰。聖人觀其鄉而順宜。因其事而制禮。所
以利其民。而厚其國也。是以鄉異而用變。事異而禮
易。是故。聖人苟可以利其民。不一其用。果可以便其
事。不同其禮。儒者一師而禮異。中國同俗而教離。故
去就之變。智者不能一。遠近之服。聖賢不能同。窮鄉
多異。曲學多辯。不知而不疑。異於已而不非者。公於

求善也。常人溺於習俗。學者沈於所聞。此兩者所以成官而順政也。非所以觀遠而論始也。智者作教。愚者制為。賢者議俗。不肖者拘焉。夫制於服為上所制而服從者之民。不足與論心。拘於俗之衆。不足與致意。故勢與俗化。而禮與變俱。聖人之道也。知學之人。能與聞遷。達於禮之變。能與時化。故為己者不待人。制今者不法古。諺曰。以書為御者。不盡馬之情。以古制令者。不達事之變。

荀子曰。君子與時屈伸。柔從若蒲葦。非懼怯也。剛強猛毅。靡所不信。音非非驕暴也。以義變應。知當曲直故也。

淮南子曰。蓼菜成行。瓶甌有珉。量粟而舂。數米而炊。可以治家。而不可以治國。滌杯而食。洗爵而飲。浣而後饋。可以養家老。而不可以養三軍。○長弘知天道。而不知人事。蘇秦知權謀。而不知禍福。徐偃王知仁義。而不知時。大夫種知忠。而不知謀。聖人則不然。論時而為之事。權事而為之謀。是以舒之天下而不寃。內之尋常而不塞。○是故聖人者。能陰能陽。能弱能

強隨時而動靜。因資而立功。物動而知其反。事萌而察其變化。則為之象。重則為之應。是以終身行而無所困。○以一世之度。制治天下。譬猶客之乘舟。中流遺其劍。遽鑿其舟。挽暮薄而求之。其不知物類亦甚矣。夫隨一隅之迹。而不知因天地以游。惑莫大焉。雖時有所合。然而不足貴也。○聖人者。隨時而舉事。因資而立功。涖則具擢對。旱則修土龍。

劉子新論曰。無為以化三皇之時。法術以禦七雄之世。德義以柔中國之心。政刑以威四夷之性。故易貴隨時。禮尚從俗。適時而行也。霜風慘烈。周棄不蓺禾。炎氣赫曦。曹明不製裘。知時不可也。買章甫者不造閩越。銜赤烏者不入豨狹。知俗不宜也。故救饑者以圓寸之珠。不如與之數椽。貽溺者以方尺之玉。不如與之短綆。非椽綆之貴。而珠玉之賤。然而美不要者。各在其所急也。庖丁解牛。適俗所傾。朱泚屠龍。無所用巧。苟乖世務。雖有妙術。歸於無用。故老聃至西戎而效狹言。夏禹入裸國。忻然而解裳。非欲忘禮。隨俗宜也。墨子儉嗇而非樂者。往見荆王。衣錦吹笙。非苟

違性隨時好也。

譚子曰。轉萬斛之舟者。由一尋之木。發千鈞之弩者。由一寸之機。

文子子曰。通其變。天下無弊法。執其方。天下無善教。故曰存乎其人。

史趙高語李斯曰。蓋聞聖人遷徙無常就。變通而從時。見末而知本。觀指而覩歸。物固有之。安得當法哉。故安可危也。危可安也。安危不定。何以貴聖。

蘇代說魏王曰。夫博之所以貴。梟者便則食。不便則

止。

商鞅答甘龍曰。常人安于故俗。學者溺於所聞。以此兩者居官守法可也。非所以論於法之外也。

漢宣帝曰。俗儒不達時宜。好是古非今。使人眩於名實。不知所守。

馮衍自論曰。大人之德。不碌碌如玉。落落如石。風興雲蒸。一龍一蛇。與道翱翔。與時變化。進退無主。屈伸無常。故曰。有法無法。因時為業。有度無度。與物趣舍。揚雄解嘲曰。有造蕭何律於唐虞之世。則諄矣。有作

叔孫通儀於夏殷之時則惑矣。有建婁敬之策於成周之世則終矣。有談范蔡之說於金張許史之間則狂矣。夫蕭規曹隨留侯畫策陳平出奇功若泰山嚮若砥隕豈其人之瞻智哉亦會其時之可為也。故為可為於可為之時則從。為不可為於不可為之時則凶。

仲長統曰。魯連以一矢而解聊城之圍。虞卿以顧盼而周平原之急。○作有利於時。志有便於物者。可為也。事有乖於數。法有翫於時者。可改也。故行於古。有

其迹。用於今。無其功者。不可不變。貴清靜者。以席上為腐議。束名實者。以柱下為誕辭。或推前王之風。行於當年。有引救弊之規。宜流於長世。稽之詩篤。將為蔽矣。如以舟無推陸之分。瑟非常調之音。不限局以疑遠。不拘玄以妨素。則化樞各管其極。理畧可得而言。

周章傳曰。孔子稱可與立。未可與權。權也者。反常者也。將從反常之事。必資非常之會。使夫舉無違妄。志行名全。周章身非負圖之託。德乏萬夫之望。王無絕

天之釁。地行既安之勢。而創慮於難圖。希功於理絕。

不已悖乎。時章欲立皇子勝廢太后降封安常而敗

張衡應問曰。世易俗異。事勢舛殊。不能通其變。而一

度以揆之。斯鑿船而求劍。守株而伺兔也。昔有人船上失劍水

中船行已去故地乃鑿船而求之只知船上失之般上求之不知般行已遠也

崔寔改論曰。故聖人能與世推移。而俗士苦不知變。

以為結繩之約。可復理亂秦之緒。干戚之舞。足以解

平城之圍。大熊經烏伸。雖延歷之術。非傷寒之理。

吸吐納。雖度紀之道。非續骨之膏。

朱穆曰。時有薄而厚施。行有實而惠用。

王遵曰。智者觀時思變。賢者泥而不滓。

三國徐衆曰。蒼梧澆娶妻而美。讓於其兄。尾篤信。

水至不去而死。直躬好直。證父攘羊。申鳴奉法盡忠。

於君而執其父。申鳴將兵拒盜以鳴孝子執其父必

之子竟破賊賊殺父忠信直讓。此四行者。聖賢之所貴也。然不

貴蒼梧之讓。非讓道也。不取尾生之信。非信理也。不

許直躬之直。非直體也。不嘉申鳴之忠。非忠意也。

苟或對曹操曰。夫事固有棄此取彼者。以大易小可

也。以安易。不可也。權一時之勢。不患本之不固。不可也。

晉鄒湛對武帝曰。猛獸在田。荷戈而出。凡人能之。蜂

虻作於懷袖。勇夫為之驚駭。出於意外故也。宋陳鮮之議曰。天可逃乎。而伊尹廢君。君可脅乎。而

鬻拳見善。忠可愚乎。而箕子同仁。宋王懿語王睿曰。天下之事。不可不密。應機以速。不可巧遲。

齊陸澄與王儉書曰。無體不可以一體求。屢遷不可以一遷執。

北史論梁昕皇甫璠等曰。能剛能柔。重可負。能順險可走也。能智於愚。期可久也。○夫皇三迭典。

為國之道。匪一。賢聖間出。立德之指。殊塗斯豈。故為相及執。亦云治而已矣。何則。五等之制。行於商周之

前。郡縣之設。始於秦漢之後。論時則澆淳理隔。易地則用舍或殊。譬猶干戈日用。難以成垓下之業。稷嗣

胙述。不可施成周之朝。是知因時制宜。為政之上務也。觀民之教者。經國之長策也。

唐尉遲敬德曰。處事有疑。非智也。臨難不決。非勇也。長孫無忌勸秦王先發曰。舜為子孝。浚也弗出。得為孝乎。其為君仁。塗廩弗下。得為仁乎。就大計者。遺細行。應變之道也。

德宗與獻瓜果者官。陸贄諫曰。立國惟義與權。誘人惟名與利。名近虛。於教為重。利近實。於德為輕。凡所以載是非。立法制。則存乎其義。參虛實。揣輕重。則存乎其權。專實利而不濟之以虛。則物有匱耗。不矣。專虛名而不副之以實。則情有誕謾。而不起矣。夫

錫貨財。列廩秩。以彰實也。差品列。異章服。以飾虛也。居上者達其變。相頌以為表裏。則為國之權。蘇洵曰。聖人無權。則無以成天下之務。無機。無以濟萬世之功。後世見三代取天下以仁義。而守之以禮樂。則曰。聖人無機。夫取天下與守天下。無機不能。顧三代聖人之機。不若後世之詐。故後世不得見其有機也。夫君子為善之心。與小人為惡之心。一也。君子有機。以成其善。小人有機。以成其惡。不機也。雖惡。或成。無也。雖善。亦罔克。○天下之。有強弱。聖

審。應之以權。勢強矣。強甚而已則折。勢弱矣。弱甚而已則屈。聖人權之。而使六甚不至於折與屈者。威與惠也。夫強甚者威竭而不振。弱甚者惠襲而下。不以為德。故處弱者利用威。而處強者利用惠。乘強之威以行惠。則惠尊。乘弱之惠以養威。則威發。而天下震慄。故惠與威者。所以裁節天下強弱之勢也。

明劉基擬連珠曰。方石不可以為磨。直木不可以為輪。故至情有時而當隱。正論有時而不陳。是以明夷利貞。箕子以之處已。危行言遜。尼父以之誨人。○此未至。不可以強爭。勢方來。不可以力戢。是以○此者不迎其烟。善防水者不當其急。○陰陽之妙道。所憑剛柔之變。鬼神所蟄。故陽有闔而陰有開。剛可潰而柔可立。是以玄冥凜冽。而水結成冰。赤溼熇炎。而金流為汗。

